



№ 22 (1272) თოვთბერი 1967

# საქსი

გამოცემის 44-ე წელი ფასი 20 კპპ.



კატა: შეხედე, როგორ კალღ და კატასავით ჭამენ ერთმანეთს...



**უცხო** სიტყვათა ლექსიკონში რეკლამა და რეკლამაცია ერთმანეთის გვერდით სწერია. ნაცნობი სიტყვებით რეკლამა ქებაა, რეკლამაცია — გინება. პრესის ვალია, რეკლამა გაუწიოს სარეკლამო საქონელს. ამ საქმეში ჩაება ნიანგიც. დღეიდან ჩვენს ვიტრინაში იხილავთ ექსპონატებს, რომლებიც იმსახურებენ არათუ რეკლამას, არამედ რეკლამაციასაც.

„თბილელსაწყოს“ მზა ნაწარმის საწყობში გასინჯული 779 ვენტილატორიდან დაწუნებულია 779-ვე ვენტილატორი. აქ 100 პროცენტით შესრულდა წუნის „გეგმა“!

შეიძინეთ თბილისური ვენტილატორები! ჩვეულებრივი ვენტილატორი მხოლოდ სითს უბერავს, ჩვენებური კი ჭერ აცეცხლებს კაცს, მერე კი აგროლებს!

თეატრალური საზოგადოების საწარმოში დამზადებული 48.900 ერთეულიდან გადასამუშავებლად დააბრუნეს 11.000 ნაკეთობა.

თუ გინდათ, კიბზე გასკდეთ სიცილით.

# ნიანგის რეკლამა

იჩქარეთ შეიძინოთ აქ დამზადებული სათამაშო მაიმუნი: პრესფორმიდან დარჩენილი გაუწმენდავი ნაწიბურები, დეფორმირებული საყრდენი ჯონი... ეს სათამაშო კი არა, ნამდვილი საფრთხობელაა. მაიმუნიდან შეიქმნა ადამიანი!.. ეს უფრო ადვილი დასაჯერებელია, ვიდრე ის, რომ ადამიანმა შექმნა ასეთი მაიმუნი!

წუნის გეგმა 100 პროცენტით გაანაღდა „ცეკავშირის“ სისტემის უალკოჰოლო სასმელების 20-მა საამქრომ — 10.856 ბოთლი ლიმონათიდან არც ერთი არ აღმოჩნდა ვარგისი რეალიზაციისთვის.



ამ ფაქტით აღშფოთებულ მოქალაქენო! თქვენ გეტყვიან, ვინც გაბრაზდა ცივი წყალი დალიოსო... **ქარ დატოვდა** იქაური ხილეულის წყლები! **გულირთეკა**... დარღვეულია გაფორმება, არ არის აღნიშნული ჩამოსხმის თარიღი, ფაი. საამქროს დასახელება, ზოგი, საერთოდ, უიარლიყოა, დაქვეითებულია შაქრიანობა...

ეს დიეტური ლიმონათი ზედგამოჭრილია დიამეტრიკებისთვის!

წულუკიძის გრებილი ავეჯის ფაბრიკას უნდა დაერქვას ძალიან გრებილი ავეჯის ფაბრიკა. იქაური სკამები არათანაბრად არის გაპრიალებული, რათა მომხმარებელი არ დასრიალდეს. მოლუნულ ადგილებს აქვს ნაკბილარები, რაც ამ სკამისადმი შიშსა და მორიდებას იწვევს.



გთავაზობთ რუსთავის სასწავლო საწარმოს საგალანტერიო და სამეურნეო პროდუქციას! აქაური დაწნული კალათები პირწავარდნილი და ძირგავარდნილი დიფექტური საქონელია.


ასევე დღის სინათლეზე გამოტანას ვერ უძლებს აქ დამზადებული მზის სათვალეები. საჭირო არ არის ამ სათვალეებიდან შეხედოთ საწარმოს პროდუქციას! ისედაც შავად მოგეჩვენებათ საქმე!

თბილისური სურა. „მადიანი“!.. არ წაგძლიოთ სულმა და არ ალგეძრათ მადა, არ გაბრძოვდეთ და სანამ საგულდაგულოდ არ შეამოწმებთ, არ შეიძინოთ! ამას წინათ 1200 ასეთ მადისალმძვრელ „მადიანს“ მადა გაუფუჭეს: 120 საწარმოში დააბრუნეს, აქაოდა, უსწორმასწოროაო, ჭიქურით კარგად არ არის დაფარულიო, კარგი გამოწვევარი არ არისო... დაიწვას მისი კარგად არგამომწველი!




შეიძინეთ პიანინო „საქართველო“ № 398891 ეს ერთადერთი ინსტრუმენტი, რომელზეც ვერ გააჩევეთ „სულიკოს“ „ციცინათელასაგან“. იგი შესანიშნავი საშუალებაა მეზობლების გასაგიჟებლად, მუსიკალური ვიქტორინების მოსაწყობად — „აბა, გამოიცანი?!“ და სხვ.

იჩქარეთ, შეიძინეთ თბილისის სამხატვრო საწარმოში დამზადებული „ფისოები!“ ცოცხალ კატებთან მათ ის უპირატესობა აქვთ, რომ ეს „ფისოები“ არა მარტო თაგუნებს, არამედ ადამიანებსაც შიშის ზარს სცემენ მრუდელ დამაგრებული ე. წ. „შაშუბეში“ თვალებით...



## გაქვს ვარკეთილი აგური და გაქვს ვარკეთილი მცენარე

მიიღწე თუ არა შეტყობინება მოქმედი ვიდეო მათელწყაროს რეინგის სადგურიდან მის სახელზე გამოგზავნილი ორი ვაგონი აგურის მიღების შესახებ, სინარულით იმპიზალაზე ანტა, სახლი რომ დამთავრებულია ქქონოდა, ალბათ, ჭერს მიარტყამდა თავს, მაგრამ რაკი მალა შემსტარს ჭერი არ დახვდა მზად, უნებლად დაეშვა ძირს და რკინიგზის სადგურში მიიჩინა.




მნელი იყო მისი უნიჩბოდ გადმოტვირთვა. ვილცამ დამღუპაო. — შემოკრა თავში ხელი და ამოდ დაუწყო ძებნა სატრანსპორტო ზედნადებზე ვაგონებში აგურის ჩამტვირთავის გეარსა და სახელს. დუბლიკატზე მხოლოდ გამგზავნი სადგური მეტეხი და მიმღები სადგური — ვითელ წყარო იყო აღნიშნული. ულდანაცემმა ბიკაშვილმა რაკიოთპაკავშირის მიმართა, რადგან აგური მისი მეშვეობით ქქონდა გამოწერილი მეტეხის სამშენებლო მასალათა კომბინატიდან. რაკიოთპაკავშირმა მრები აიჩიჩა და საჩქაროდ ორი დეპეშა აფრინა: ერთი მეტეხში და ერთიც თბილისში სასაქონლო ექსპერტის მოსავლინებლად.

მეტეხიდან წარმომადგენლის გამოსავსაუნად თავი არავის შეუწუებია. ზოლო საქ. სავაჭრო პალატის სასაქონლო ექსპერტის ბიურომ კი მიავლინა ადგილზე ექსპერტი, რომელმაც, რაკიოთპაკავშირის საქონელმცოდნესა და საწყობის გამგეშთან ერთად, დაადგინა, რომ 23.700 ცალი აგურიდან დამტვირთვას გადარჩენილი 8.300 ცალი აგურიც დამსკლარი და მშენებლობისათვის გამოუსადეგარია. ამოდ ესვეწებოდა საექსპერტო კომისიის გაოგნებული ბიკაშვილი, ორი ცალი აგური მაინც შემირჩიეთ ისეთი, რომ ხელში დაჭერა შეიძლებოდა და თავში საცემად გამოდგენო, მაგრამ სურვილი რომ ვერ აუხსრულეს, ცარიელ ხელებს-ღა იბრაუნებდა გულზე. ბოლოს, გონს მოსულმა ბიკაშვილმა საიდანდაც ფოტოგრაფი მოიყვანა და ფაქტი სურათად აქცია. სურათის ერთი ეგზემპლარი მეტეხის სამშენებლო კომბინატს გადაუგზავნა შთაბეჭდილებათა ალბომში მოსათავსებლად. მეორეს კი ვაქვეყნებთ მომხმარებელთა ცნობისმოყვარეობის დასაკმაყოფილებლად.

ზედა ფუნას რომ დააკვირდა. შიგადაშიგ ბზარები შეამჩნია. ბზარები და მერე როგორი ბზარები! — სწორედ ისეთი, მშენებლები წარმოების წუნს რომ ეძინან. შეამჩნია და არაფრად ეჭაბნიკა. არც ის ეჭაბნიკა, აგური რომ მალა შეისროლა და, უკან დაბრუნებული, ორცხობილასავით ჩაეფშენა ხელში, მაგრამ გული არ გაიტყნა: „ოცდასამი ათას შვიდას ცალ აგურში რამდენიმე ცალი უბარისხო აგური რა ბედნაბაო“ და ვაგონების გადმოსაცლელად მუშახელი და სატრანსპორტო ტექნიკა დაატრიალათ.

— აბა, ჰე! აბა, ჰო! — აჩქარებდა ვაგონზე მისულ მუშებს ბიკაშვილი და აგურით საესე მანქანებს დიდინ-დიდინით მიჰყვებოდა. სიმღერის გუნება მხოლოდ მაშინ შეეცვალა, როცა სამ-სამი ფენა აგურის აღების შემდეგ, მუშებმა ხელით გადმოტვირთვა შეწყვიტეს და მუშაობის დასაჩქარებლად ბიკაშვილს ნიჩბები მოთხოვეს.

ხომ არ გაგოფდნენო, — გაიფიქრა ბიკაშვილმა და სანახევროდ გადმოტვირთულ ვაგონზე ავიდა. აფიდა, მაგრამ თვალებს არ დაუჯერა: დარჩენილი აგური ისე იყო ჩამტვირთულ-ჩამოღლი, რომ მართლაც



მუზეუმის ახალი ექსპონატი

ახეცს -სას- ჯალი!

მს დღის ორ საათზე მო- ხდა. მოქალაქე მ. ნ. თვით- მფრინავით ჩამოვიდა სტუ- მართმთოყვარე თბილისში. სასტუმროში დაბინავდა თუ არა, იმავე წუთს სააეირ- ნოდ გააწვია. უეცრად მას ერთი მომხიბლავი ახალგაზრდა მიუახლოვდა.

— მოგწონთ თბილისი? გეტყობათ, პირ- ველოად ხართ ჩვენს დედაქალაქში! — ჰკით- ხა მან მ. ნ-ს.

— დიას, — მიუთო მ. ნ-მ ორჯერ ნასა- მართლევ, სკოლიდან გამოირცხულ, ლო- თობასა და სპეკულანტობაში მრავალჯის შემწნეულ, ჩვენი ჯანსაღი ცხოვრების მუ- წუკ სერგო მინასაშვილს.

— მაშ, მე გაგიწვევთ მეგზურობას ჩვენს სტუმართმოყვარე, 1500 წლის დედაქალაქ- ში! — შესთავაზა ადამიანის სხეულში და- მალულმა პირუტყვმა უმანკოებით აღსავსე მ. ნ-ს.

მგლის თავზე სახარებას კითხულობდნენ და ის ისევ ტყისკენ იყურებოდა. ასე შე- იტყუა ტყეში მინასაშვილმა უმანკო, ქერა, ცისფერთვალემა, ულამაზესი ქალიშვილი და...

ხერგო მინასაშვილი მალე წარსდგება სა- სამართლოს წინაშე.

ნ ა თ მ ა მ ა მ ი ა , ქ ე ვ ყ ა ნ ა ზ ე ბ ო რ ო ტ კ ა ც რ ა გ ა მ ო ლ ე ვ - ს ო . მ ა შ ი ნ , რ ო ც ა მ ი თ ე ლ ი ჩ ვ ე ნ ი ქ ე ვ ყ ა ნ ა შ რ ო მ ი თ ო ს ფ ე რ ს უ ლ შ ი ა ჩ ა ბ მ უ ლ ი , ზ ო - გ ი ე რ თ ი „ კ ა ლ მ ო ს ნ ე ბ ი “ დ ა - მ ს ხ დ ა რ ა ნ დ ა ი რ გ ვ ლ ი ე ბ ო რ ო ტ შ ა მ ა ა ფ რ ქ - ვ ე ვ ე ნ ჯ .

ნათქვამია, სიმართლის ნერგი ისარებს, დარტო თუნდ სიბსა ქვაზედაო და მათი საქ- მინანობაც მალე გამოშვებურდა. გამოძიე- ბელმა მ. ნ-მ, მოწვეების — პ. რ-ს, კ. ს-ს და ნ. ჭ-ს დახმარებით მალე გამოიტანეს სააშკარაოზე ცილისმწამებლების, ჩვენი სა- ზოგადოების პარაზიტების — კ. ნ-ს ს. პ-ს, ჭ. რ-ს, ნ. კ-ს და მ. პ-ს სახელები.

ბ ს რ ს - ჯ ა ზ ი

დიდებ კატარაია

პიათითა...

თავი საწყობს შეაფარა, ვირთხასავით დიდხანს... გაუგეს და გულდადარას... მიეთითა!

მალე ტრესტში მოკალათდა, რაც მოაწრო, გამოზიდა, მაგრამ „რისხვა“ თავს დაატყდა — მიეთითა!

მშენებლობას მიამურა, ცემენტი და ხე-ტყე ჰყიდა, გაუგეს და „შეახურეს“ — მიეთითა!

ჩამოინგრა სახლის ჭერი, ქურდის ცოდვა გელარ ზიდა, „დაისაჯა“ ინჟინერი — მიეთითა!

აქ ჩვენ დავსვამთ მრავალწერტილს და უნდა ვთქვათ სიტყვა მწველი: ზოგიერთის... ზოგიერთი თითი არის მოსაჭრელი!

შოთა როშვა

ლაკონიური სტროფები

1. პლიაფი. ქოლგები. კენჭები. მეღუზა. ნინიკოს თინიკოს ტიტვიკო ეტუზა. ფლირტების ფინტები. შიგ გულში—ჭრილობა. მშაჩი და მაყრები. ყანწების ყრილობა. რიჟრაჟი. დედოფალს—„მიშველეთ!“— აღმოხდა.

თამადავ, სადა ხარ?! სახიძოვ, რა მოხდა?! კვამლივით გამჭარალხარ, კაცობა შეგიტყვეა! ექსპრომტად ცოლქმრობავ, ხომ არ გაქვს შეკითხვა?

2. ბურქები. ნაძვები. პეპლები. ჩიტები. ტყისპირი. წალკოტი. ხახხახა მდელონი. ჭამები. ჩანგლები. ჭიჭები. ტიკები. მაჯნიტოფონები. მზა სადღეგრძელონი.

ტოტები — ნახლეჩი. ბურქები — ნაკაფი. არ გალობს ბულბული. არ დახტის კაკაბი. ნამტვრევი. ნამხხვრევი. ნახშირი. ნაცარი. ვინა გაქვთ შეკითხვა? ხომ ხედავთ, რაც არი?

3. ფარდული. დანდური. ლუდი და არაყი. კათხები. ქაფი და სისწრაფე ხელისა. „მოსკვიჩი“. ნაკვეთი. ქვის სახლი. (არა ხის). სერია. მოგება. ბულ უოველ წელიწადს.

და უცხებ... უწუება. კამერა. გუშაგი. მაშიდა კვამიკო. ნათლია უშანგი. მსაჭული. ვეჭილი. მტკიცება. ბრალდება. სად არის თაღლითი? კვლავ გარეთ ბრძანდება!

4. ტრიბუნა. პროგრამა. „პროკოფი, სად ჯდები?!“ სახტენი. მოთელვა. მეკარე. მსაჭები. შეტევა. ფინტები. ქარი და აღმები. კვანტები. წიხლები. სამბო და სარმები. ჭარიმა. კუთხური. წაქცევა. „ავსაიტ!“ ექიმი. საკაცე. (გაქცევა არსაით). ხომ ნახეთ, ფინალი უმაღლეს თამაშის? ხელ-ფეხი თუ შეგარათ, უმაღლეთ თამაშის!

მიხეილ გოგიაშვილი



ნახ. გ. ლომიძის

— არტუშა რომელია?!  
— რა გნებავთ?!  
— ძმის სისხლი მართებს!





იაპონიის საჩუქრების მალაზიებში გამოჩნდა სუეენიკები, რომლებიც დამზადებულია ვიეტნამში ჩამოვლილი ამერიკული თვითმფრინავების ნაშენებლებიდან.

— რა სუენიკის ქვეშ ამერიკელი ქალბატონი ჩვენთან?  
— სუენიკის კი არა, ქმარს ლავებებ!..

# საქონლისა

ჩემს დირექტორს ძალღის თაობაზე სწორად ჰქონდა უსიამოვნება ცოლთან. დირექტორს გაგიჟებით უყვარდა თავისი ტერეზა, სულში იძვრებდა, ცოლი კი გულზე სკდებოდა. „ან მე, ან ძაღლი“ — დაისვა საკითხი. დირექტორმა ცოლი აირჩია და ძაღლი მე მაჩუქა. თურმე ნაჩუქარ ძაღლსაც გაესინჯება კბილი, რადგან ამ საჩუქარმა უხერხულ მდგომარეობაში ჩამაგდო.

ჩემს ლამაზ ცოლსაც ტერეზა ჰქვია. ძაღლს ხან ალფას ვეძახდით, ხან ვეგას, მაგრამ ყურებსაც არ აპარტყუნებდა. ბოლოს შევეშვიტე და ისევ ტერეზად დარჩა.

ამას წინათ მე და ჩემი თანამშრომელი სამსახურიდან სახლში ვბრუნდებოდით. მოულოდნელად გზაზე კარის მეზობელმა შემაჩერა, მოურიდებლად გამიხმო გვერდით და ყურში ჩამჩურჩულა: „შენი დირექტორი იყო სახლში, ტერეზა მანქანაში ჩაისვა და სადღაც გააქანა.“

— მერე, ეს რა საჩურჩულა?! — ხმამაღლა ვუთხარი და უველას გასაგონად ამაყად წარმოთქვი: „რაც პორფირიჩმა ცოლი ესენტუკში გაისტუმრა, ჩემს ტერეზას წყნეთში დაახვირნებს.“

მეზობელი გაშტერებული მიყურებდა. ერთ ხანს ხმა ვერ გამცა, მერე კი... „ფუი შენს ვაჟაკობასო,“ — წამოიძახა და გამცილდა.

— თავხედი! — ვთქვი გუნებაში და მხლებელს გავუღიმე.

— რა გაციინებს? — მომიგო მან, — ხაზინს შენი ცოლი წყნეთში წაუყვანია, სასაცილოდ გაქვს საქმე?

— რას ბედავ! — ვიწყინე მე. — ტერეზა მისი ყოფილი ძაღლის სახელია. შაბათობით წყნეთში მიყავს ხოლმე სახვირნოდ.

— ჰო, მართლა, არ გამიკვირდა, შენი ცოლიც ხომ ტერეზაა, — ღიმილით მომიგო მან და გამომეშვიდობა.

სახლში მისვლამდე საკონდიტროში შევირბინე და ცოლს მისი საყვარელი ორცხობილა ვუყიდე. ოთახში შესვლისთანავე ტერეზა... ყუფით შემომხვდა.

გულშემოყრილი წყნეთისკენ გავექანილი...  
თენგიზ I

# „მთვრალი, შეშვი!“

— მთვრალი! — შენიშნა ჩემს გვერდით მჯდომმა

— უთხარი, წინ გაიაროს! — უთხრა მეზობელმა კონდუქტორს.

— გაიარეთ, მოქალაქე, გთხოვთ! — თხოვა კონდუქტორმა მთვრალს.

— თავი დაანებე! ვერ ხედავ, მთვრალია? ფხიზელი რომ იყოს, კიდეც ჰო, მთვრალს რა მოეთხოვება, — გამოვექიმავე მე.

— მაგი მთვრალი იყოს, ჩემი რა ბრალია?! — თქვა მელოტმა.

— შენც ადექი და გაიწიე! — ურჩია ვილაცამ.

მელოტი გაიწია, მთვრალი წაბარბაცდა და მელოტს შეაგინა. მელოტი გაფითრდა.

— მოიწიე, თორემ!.. — დამუტკრა მთვრალი.

— თქვენ, მოქალაქე, იცით, რას გეტყვით?..

— მთვრალია, თავი დაანებე! — ვურჩიე მელოტს.

— მოიწიე, რომ გეუბნება! ხომ ხედავ, მთვრალია! — უთხრა ვილაცამ მელოტს. მთვრალმა კისერში ჩაავლო ხელი და მოსწია.

— შოფერ! მილიციასთან გააჩერე! — იყვირა ვილაცამ.

მთვრალი მობრუნდა და მგზავრებს ამღვრეული თვალები დაუბრიალა. ავტობუსი გაინაბა.

— წადი! წადი! ცოდავა მაგის მილიციაში წაყვანა, შინ ცოლ-შვილი ელოდება! — გამოვექიმავე მე.

— ვინ არის მთვრალი?! მე?.. მე?.. — მთვრალმა თვალები გაღმომიკარკლა. რა ჩემი საქმეა, რომ ვერჩები, ყველამ თავის თავს მოუაროს! — გავფიქრე და მთვრალს თვალი მოვარიდე. იგი ისევ დაეყრდნო მელოტს. მერე რაღაც არ მოეწონა და ვილაცას შეაგინა. შეგინებული აღშფოთდა.

— შეეშვი, მთვრალია! — ვურჩიე შეურაცხყოფილს.

მერე მთვრალმა კიდეც ვილაცას შეაგინა, კონდუქტორს ბილეთები წაართვა, ხანშიშესულ მანდილოსანს ხელი მოუთათუნა და მელოტს კეფაზე უჩქმბიტა. მე აღშფოთდი, მინდოდა მთვრალისთვის შენიშვნა მიმეცა, მაგრამ დადავიფიქრე: რა ჩემი საქმეა, ყველამ თავის თავს მოუაროს!

ცოტა ხნის მერე მთვრალმა მინა ჩაამსხვრია, ვილაც მგზავრს ყელსაბამი წაართვა და ტუფლები გაიპრიალა, ჩემკენ მობრუნდა, დიდხანს მიცქერა ამღვრეული თვალებით და... მომაფურთხა.

— მილიცია! გააჩერე! რას გაჩუმებულხართ, ვერ ხედავთ? შეურაცხყოფა მომაყენა? — ვიღროლე მე...

ს. ჯაფარიძე

757  
29/XI 67

# ლიკოპეები სწავლად და იაზად!

1957 წელს ზუგდიდის რაიონის სოფელ ჭვარში, ხუბა ქალბაქიანის ბინაზე, არცთუ ისე სახეიმი ვითარებაში, გაიხსნა სტომატოლოგიური კაბინეტი...

ხუტამ კბილის ექიმობას დაასო კბილი, დაიწყო მისი სამედიცინო კარიერა. ბევრი ფული და კბილი დააძრო ხუტამ ჭვარელებს... წინდახედული კაცი იყო ხუტა და დიპლომის უქონლობა კბილის ტკივილივით არ ასვენებდა. გულის ხეშიადი სიყრმის მეგობარს — **ჟორა მისიძეს** გაანდო.

— მოწყობა უფრო ძვირია სამედიცინოზე, ვიდრე დიპლომი ალბა! იაფად გამოვინებე!..

ცოტა ხანში ხუტამ სულ რაღაც ხუთას მანეთად სტომატოლოგის კვალიფიკაცია მიიღო. ჟორის პატივსაცემად ხუტას დიპლომის ნომერი „შ-თი იწყებოდა — შ. № 726105.

არც გამოცდები, არც ლექციები, არც საგნების მომზადება... გულში იხუტებდა ხუტა დიპლომს და ლიღინებდა: „ეს დიპლომი ხუტასიო, ღირს სულ რაღაც ხუთასიო“.

**ხუბა ქალბაქიანს** ევეწროვა თავისი კაბინეტი და 1960 წელს სოფელ რივის საავადმყოფოში მოეწყო ექიმ-სტომატოლოგად. იქაც რივის ქვებივით ისროდა აქეთ-იქით აუტკივარ თუ მტკივან კბილებს. შემდეგ **ზედა ეწერის საავადმყოფოში** გადავიდა იგივე თანამდებობაზე, თეთრ ხალათში გამოწყობილი ხუტა შავ დღეს აყრიდა პაციენტებს ავერ 1967 წლის მისამდე. შემდეგ „მოდერნიზაციის“ ზუსტად ათი წლისთავე გაუგეს და მოაძვრეს „სიბრძნის“ კბილივით.

**რამ** მიიყვანა **არჩილ იოსების ძე შვანავირაძე** სტომატოლოგობამდე?

ბედისიერმა შემთხვევამ თუ შინაგანმა მოწოდებამ? მისი ბიოგრაფია ერთობ წააგავს **ხუბა ქალბაქიანის** ბიოგრაფიას. განსხვავება მხოლოდ იმაშია, რომ არცო **კურორტ წყალტუბოს სანატორიუმ „რიონში“** მოღვაწეობდა კბილის ექიმად, და კიდევ იმაში, რომ მის აგრეთვე ხუთასმანეთიან დიპლომს, გარდა თაღლითობის ბეჭდისა, ყაზანის სახელმწიფო სამედიცინო ინსტიტუტის ბეჭედიც აზის. **ხუბიკო** და **არჩილ** გაჭირილი ვაშლივით გვანან ერთმანეთს. არც ამ ყოველად უკანასკნელს „გაუმართლა“, გაუგეს და იძულებითი მუშობა მიუღაჯეს, თუმცა, რა თქმა უნდა, არა სტომატოლოგად...

ყველას ჭვარი გწერიათ კბილის ტკივილისაგან, მაგრამ კიდევ უფრო ჭვარი გწერიათ ისეთი სტომატოლოგებისაგან, როგორც ჭვარელი **ქალბაქიანი** და **წყალტუბოელი შვანავირაძე**.



**ბ. ლუბიძე,**  
მილიციის კაპიტანი.

# როგოს...

სხმლა. ავტობუსი ისე გაჭედლი, ჰაერის ღრმად ჩასუნთქვა ჭირს. ბოლომდე ამოსუნთქვაც საშიშია, შეიძლება ვეღარ ჩაისუნთქო. ხელის განძრევა შეუძლებელია. ჯიბეში რომ გინდოდეს ჩაყოფა, ვერ მოახერხებ. სხვას რომ მოუნდებ შენს ჯიბეში ჩაყოფა, მით უმეტეს ვერ მოახერხებ. რომც ნიასერსობა, ვეღარ ამოიღებ. ავტობუსი ყოველ გაჩერებაზე ჩერდება. რომც არ გაჩერდეს, არაფერი დაშავდება — უკანა კარები, სულ ერთია, არ იღება. რომც გაიღოს, აღარ დაიხურება. ვიღაც ახალგაზრდა ზის და ფეხზე მდგომ ნიოსებს შეგნებულად ვერ ამჩნევს. რომც შეაშინოს, მაინც არ ადგება. ვიღაცამ მოახერხა და ექვსი კაპიკი მიაწოდა კონდუქტორს. კონდუქტორმა ხურდა არ დაუბრუნა. მგზავრს სმა არ ამოუღია. რომც ამოეღო, მაინც არ დაუბრუნებდა. უკანა სკამზე მჯდომმა მამაკაცმა პირში სიგარეტი გაიჭო. მაგრამ ასანთი არ ჰქონდა და ვერ გააბოლა. რომც გაებოლებინა, კაციშვილი არაფერს ეტყოდა. ვიღაცამ ფანჯრის გახსნა მოინდომა, მაგრამ ჩარჩო ვერ ჩამოაწია. რომც ჩამოეწია, ვეღარ ასწევდნენ. გრძელთმიანი ლაწირაკი დანით სავარძელს ჭრიდა და კაუჭუკს იღებდა. გვერდით მჯდომი მამაკაცი ყვილაფერს ხედავდა, მაგრამ არაფერს ეუბნებოდა. რომც ეთქვა, არაფერი გამოვიდოდა. ქალმა კაცს ფეხი დაადგა და ალბას აღარ აპირებდა. კაცი ჩუმად იყო. რომც ეთქვა, მაინც არ იყო ფეხის დასადგმელი ადგილი...


**ოსტრიხი.**

ნახ. ჯ. ლოლუასი



ნახ. ჯ. ფირსალაშვილი

— თქვენ იუბილე გადაიხადეთ და დავნას გე ვიშროვნი!



„ეწოში ავი ძაღლია!“ —  
კარს წარწერა აქვს ამგვარი.  
ჩავიარე და შეეჩერდი.  
ძაღლია, მაგრამ რად არის?  
ეწოს ვინ ელის მპარავი,  
თავდამსხმელი და ამკლები?  
ძმობას, ერთობას ვქადავებთ,  
რად გვინდა ავი ძაღლები?  
ეწოს ჩავხედე: ტალავერს  
გვერდს უმშვენებდა ხეხილი,  
გარაუთან იღვა მანქანა  
ირმით — რქაგადაგრეხილით.  
ეწოში სახლი ლამაზი,  
ორნამენტული და არშია...  
თქვით: ყველაფერი კარგია,  
ძაღლი კი რა შუაშია?  
მეწობლად ყავარჯინანი  
მოხუცი მზეზე თებებოდა,  
მან მიპასუხა, რაც ავ ძაღლს  
და პატრონს შეეხებოდა:  
„ძაღლი კი არა, ბატონო,  
(განა მიხვედრა ძნელია?),  
ძაღლი კი არა, ეწოში  
ავგული მასპინძელია.  
აქეთ და იქით ძვრებოდა  
სხვათა და სხვათა წყალობით...  
ეგ სახლი აგებული აქვს  
ქრთამით და მამაძაღლობით.  
განა დაზვასთან შრომობდა,  
განა ხნავდა და ბარავდა?  
საწყობებს ღრღნიდა თავივით,  
ცემენტს და ფევილს იპარავდა.  
დღეს ავი ძაღლით გვაშინებს,  
რადგანაც თავად ქორია  
და ყველა ამველე-ჩამველე  
მასავით ქურდი ჰგონია.  
ახეა, ჩემო ბატონო,  
(განა მიხვედრა ძნელია?),  
ძაღლი კი არა, ეწოში  
ავგული მასპინძელია!

**გრიგოლ გრიგოლია**

საბჭოთა კავშირის სახელმწიფო გამომცემლობა

— ძველი ინტრიგანი და ანონიმისტი ყოფილა, არც ერთი ჯგუფის სისხლი არ მიუღვა!  
— წითელი გვანი გადაუსხით!



მთავარი  
რედაქტორი  
**ნოდარ ლუმაბაძე**

სარედაქციო  
კოლეგია:  
ზ. ბოლქვაძე  
(პ/მბ. მდივანი),  
ს. კლდიაშვილი,  
ნ. გალაგონია,  
ბ. ნიშნიანიძე,  
(მთავ. რედ.  
მონადგმელი),  
ნ. შველიძე,  
ო. ჭელიძე.

სატირისა და იუმორის  
უშრნალი „ნიანგი“.

თბილისი, რუსთაველის არსაკაბტი № 42.

# ნიანგი

ბელ. 9-76-69. 3-10-78.

Тбилиси, Сатирико-юмористический журнал «Нианги». С. 33. 33 ცენტრალური კომიტეტის გამომცემლობა. ხელმოწ. დასაბ. 4/XI 1967 წ. პაღ. ჟომა 70x108 1/8. 1 ნაბ. ფურც. 1.4. ფიციკურ ფორმათა რაოდენობა 1. პიროგით ფორმათა რაოდ. 2. სპ. 33 ცკ-ის გამომცემლობის პ/კომპონატი. თბილისი, ლენინის ქ. № 14. შპკ. № 4128. უე 02310. ტირაჟი 71.000.



— ცოლი ვის გვარზე დაიქვება?  
 — მაგან მთელი ჟონება მაგიღამის სანაღვა  
 რად ვაფორმებელი და ცოლის მის გვარზე და  
 ვარა!